

## **ZLO - Allgemeng Bestëmmungen**

### **Responsabilitéit iwwert d'Kenntnis vun den Examensdetailler**

De Kandidat kritt bei senger Aschreiwung déi definitiv Detailler vum Test (Datum, Auerzäit, Plaz). Hien ass selwer responsabel, sech am Voraus iwwert d'Plaz ze informéieren, a soll op d'mannst 15 Minutte virum offiziellen Ufank vum Test op der Plaz sinn.

An den Examenssall ginn ausschliesslech déi Kandidaten eragelooss, déi fir dee bestëmmten Dag offiziell convoquéiert gi sinn.

### **Identitéitskontroll**

Beim Test muss de Kandidat déi selwecht Identitéitspabeiere virweisen, déi am Aschreiwungsdossier ugi sinn. Kandidaten, déi sech den Dag vum Test net ausweise kënnen, dierfen net um Test deelhuefen, a kréien och keng Aschreiwungskäschten zeréckbezuelt.

### **Verspéidung an onentschëllegt Feelen**

E Kandidat, deen den Datum oder d'Auerzäit vum Test net respektéiert, gëtt vum Test ausgeschloss. D'Aschreiwungskäschte ginn net zeréckbezuelt, an et besteet kee Recht op en Transfert op eng aner Sessioun. Am Fall vu force majeure (z. B. Krankheet, Accident oder Stierffall an der Famill) muss de Kandidat bannent 5 Deeg, vum Datum vum Test un, e Justificatif vun enger offizieller Instanz (z. B. en Dokterzertifikat) areeche.

Den Institut national des langues Luxembourg kann d'Aschreiwung an dësem Fall op eng méi spéit Sessioun verleeën, bannent enger Period vu maximal 6 Méint, gerechent vum Aschreiwungsdatum un.

### **Opginn**

Wann e Kandidat den Examenssall verloosse wëllt, muss hien dat dem Surveillant matdeelen.

D'Verloosse vum Sall gëtt als Opgi vum Test ugesinn, an d'Aschreiwungskäschten ginn net zeréckbezuelt.

### **Ausschluss**

Nëmmen d'Surveillanten dierfen op Froe vun de Kandidaten äntweren.

All Kommunikatioun tëschent de Kandidate während dem Test ass verbueden a gëtt als Täuschungsversuch ugesinn. All Versuch ze fuddelen, féiert automatesch zum Ausschluss vum Test.

### **Autoriséiert Material**

De Kandidat dierf nëmmen e Pass oder eng Identitéitskaart mat an den Examenssall huelen.

All aner Géigestänn (z. B. Posch, Mantel, Handy, aner elektronesch Apparater, Aueren asw.) musse virum Test am Vestiaire gelooss ginn.

Et ass net erlaabt, lessen oder Gedrénks mat an den Examenssall ze huelen.

### **Stroumausfall oder onerwaart Virfäll**

Am Fall vun enger Stroumännerbriechung, engem Wifi-Ausfall oder engem aneren onerwaarte Virfall bleiwen d'Kandidaten op hirer Plaz setzen a schwätzen net mateneen.

Am Fall vun enger Widderhuelung vum Test gëtt de Kandidat schréfflech iwwert den Datum an d'Auerzäit informéiert.